

醫學館寄宿
寮書籍之記

大學東
校典籍
局之印

卷第三

陽明證

仲景白虎湯

白虎加人參湯

白虎加蒼朮湯

白虎加桂湯

白虎加梔子湯

白虎加五味子湯

竹葉石膏湯

活人五味子湯

大黃黃連瀉心湯

附子瀉心湯

生薑瀉心湯


易老門冬飲子

麥門冬湯

玉露散

伊尹甘草瀉心湯

半夏瀉心湯



導赤散

一物瀉心湯

伊尹三黃湯

仲景茵陳蒿大黃湯

梔子檉皮二物湯

文潞公藥準

李思訓論議

活人酒煮黃連丸

紅丸子

易簡紅丸子

茵陳蒿湯

茵陳附子湯

丹砂丸

仲景梔子豈豉湯

梔子厚朴湯

梔子乾薑湯

活人薤白湯

涼膈散

文潞公藥準註李琬方

薄荷例

薄荷煎

局方川芎丸

防風丸

生明丸

三白丸

枳殼丸

薄荷湯

清神散

上清散

香甲散

消風散

神芎散

點鼻方

化風散

化風丹

三陽頭痛

本草註桃花湯

烏頭赤石脂丸

桃花丸

古方駐車丸

古方三黃丸

延胡索散

東垣二紅丸

東垣三白丸

東垣調氣方

赤石脂散

赤石脂丸

震靈丹

易簡震靈丹

桃花丸

活人赤石脂丸

五物厚腸丸

固腸丸

旋覆代赭石例

仲景旋覆代赭石湯

旋覆花湯

旋覆花丸

活人金沸草散

局方金沸草散

千金翼旋覆花湯

外臺旋覆花丸

范江旋覆白朮茯苓湯

仲景茯苓飲

千金翼大五飲丸

海藏五飲湯

卷弟四

陽明證

王朝奉集註譚語例

仲景調胃承氣湯

大承氣湯

小承氣湯

煉玄明粉法

仲景治雜病三物厚朴湯

調胃承氣湯 仲景厚朴七物湯

仲景桃仁承氣湯 仲景枳實理中湯

深師消飲丸 仲景神奇枳實湯

梅師治痞 五苓平胃各半散

雄黃銳散

小便不通例

仲景五苓散 透格散

抵聖散 八正散

瞿麥湯 石葦散

六一散 梔子散

立效散 金鎖匙散

塗臍法

麻仁例 活人脾約丸

仲景麻仁丸 潤腸丸

局方大麻仁丸

活人五柔丸 活人神功丸

局方七宣丸 七聖丸

活人三腕散 半硫丸

快活丸 海藏已寒丸

五燥大便祕

地黃黃連湯

畜血例

活人犀角地黃湯

活人黃芩芍藥湯

地黃散

犀角地黃湯

必勝散

礫皮湯

耆石湯

畜血中焦

仲景桃仁承氣湯

畜血下焦

仲景抵當湯

百勞丸

抵當丸

通經丸

四血散

又方

韓氏微旨方

地黃湯

生漆湯

活人大黃湯

掌中金丸

五通丸

桃花散

通經丸

結胸例

仲景大陷胸湯

小陷胸湯

大陷胸湯

活人大陷胸湯

聖餅子

增損理中丸

海蛤散

仲景文蛤散

古今錄驗解五蒸湯

又五蒸丸

五蒸和氣散 仲景蜜導煎法

麻仁丸 仲景文德餅

聖散子 散諸熱中火

大瀉散 散入大瀉散

仲景大瀉散 小瀉散

諸瀉散

麻仁散 散諸熱

聖中散

散諸熱

散諸熱

醫壘元戎卷第三

趙州教授兼提舉管內醫學王好古進之笈次

陽明證 先足經從湯液 次手經從雜例

仲景白虎湯

自治身熱頭疼鼻乾不得臥尺寸脉俱浮而長

又治傷寒脉浮滑此表有熱裏有寒非寒冷

之寒寒邪之寒熱也

石膏 四錢 甘草 半錢 知母 一錢半

白粳米 一斗

右鹿末每服伍錢七水一盞半米熟去滓溫

服

白虎加人參湯

治動而傷暑大渴

白虎加蒼朮湯

治靜而傷暑不渴

白虎加桂湯

治中暑自汗微惡寒

白虎加梔子湯

治小使淋而煩

白虎加五味湯

治嗽而少津液

竹葉石膏湯

治傷寒解後虛羸少氣氣逆欲吐

石膏 二錢

人參 半錢

粳米 百粒

半夏 二錢半

甘草 一字

竹葉 五片

麥門冬 一錢

右為鹿末每服五錢匕水一盞半煎至米熟

溫服

張仲景炙甘草湯

本方在太陽門傷寒類要

甘草一物湯後此本太陽證當列於太陽

條下胸者肺之腑也故入陽明例

活人五味子湯

治傷寒喘促脈浮而厥

五味子 半兩

人參

陳皮 去白

杏仁 去皮尖

生薑

麥門冬 去心各

棗 三枚

右剉如麻豆大水一盞半煎至一盞去滓分
 二服熬豬肚湯 益氣之源以消陰翳則便
 溺有節羊肉冬瓜湯 膏痺飲水澀多 腎
 氣丸 胃熱消穀善食而瘦 地黄丸
 消渴手太陽不止消中足陽明 消腎足少
 陰痺成 消中而數少便 內化丹
 麥門冬飲 易老順氣散小承氣湯也
 鳳髓丹 化水丹 壯水之主以制陽光則
 渴飲不思 仲景諸瀉心等湯 手少陰也
 以其心下痞故入陽明例 況服梔子黃芩

黃連黃檗大黃為上瀉心經之劑安得不例

陽明乎

大黃黃連瀉心湯

主治太陽病醫發汗遂發熱惡寒因復下之心
 下痞表裏俱虛陰陽血氣并竭無陽則陰毒
 復加燒鍼因胸煩面青黃膚瞶者難治若色
 微黃手足溫者易愈心下痞按之濡其脈關
 上浮者

大黃二兩 黃連一兩 加黃芩為伊尹三黃湯

右二味剉加麻豆大沸湯二升漬之須臾絞

去滓分溫再服 豆大藥散二升 煎之 煎又

附子瀉心湯

治心下痞而復惡寒汗出本以下之故心下痞與瀉心湯痞不解其人瀉而燥煩小便不利而口乾渴者五苓散主之

大黃 黃連 黃芩 附子

生薑瀉心湯

治傷寒汗出解之後胃中不和心下痞硬乾噫食臭脇下有水氣腹中雷鳴下利者此湯主之

生薑 半夏 甘草 黃芩

人參 乾薑 黃連 棗

右八味以水五升煮取三升去滓再煎取一升半溫服半升

易老門冬飲子一名生脉散

治老弱虛人大渴

白茯苓 人參 麥門冬

五味子 枸杞子 甘草

右咀咀生薑水煎此藥與內化丹相表裏手太陰足少陰子母上下經也

王朝奉錄千金方 此方本意出竹葉石膏湯

王例以此知仲景群方之祖也治勞復能起
死人氣欲絕者主之有功用麥門冬湯

麥門冬湯

麥門冬 一兩 甘草 炙 二兩 粳米 半合

右麥門冬去心為細末水二盞煎粳米令熟
去米約得湯一小盞半入藥五錢七棗二枚
去核新竹葉十五片同煎至一盞去滓大溫
服不能服者綿滴口中後人治小兒不能
灌藥者宜用之綿滴法此方不用石膏以其
三焦無大熱也兼自欲死之人陽氣將絕也

故不用石膏若加人參尤妙

玉露散

寒水石 石膏 各半兩 甘草 二錢半 生半炙

右為細末湯調服

外臺蒸病一曰骨蒸二曰脉蒸三曰皮蒸四曰
肉蒸五曰內蒸各隨臟主又二十三蒸各應
見湯液主之盡矣五曰內蒸所以言內者
必外寒熱把手附骨而熱也其根在五臟六
腑之中心
因病後得之骨肉自消飲食無味或皮毛燥而

無光澤蒸極之時四肢漸細足腫跌起石膏
十兩碾如乳粉法水和服方寸七日再服以
體涼為度

類要治膏痺飲少小使多

秦椒 一分出汗 葎蒂 二分末

右水調服方寸七日三服此方服之令人多
吐宜約量多少不可大過一升分三

伊尹甘草瀉心湯

治傷寒中風醫反下之其人下利日數十行
米穀不化腹中雷鳴心下痞硬而滿乾嘔心

煩不得安醫見心下痞謂病不盡復下之其
痞益甚此非結熱但以胃中虛客氣上逆故
藥便硬宜此湯主之

甘草 二兩 半夏 一兩 黃芩 乾薑 各三兩半

黃連 一人參 各半兩 棗 六枚

右七味以水五升煮取三升去滓再煎取一
升半溫服半升分三 伊尹湯液此湯也七
味今監本無人參脫落之也伊尹三黃湯無
黃芩亦後人脫落之也

半夏瀉心湯

半治下利而不痛者為痞也痛即為結胸

黃半夏錢一兩半黃芩錢半人參錢半甘草錢半

乾薑兩各半黃連兩半大棗六枚

右水五升煮取三升去滓再煎一升半溫服

半升分三服

錢氏瀉心湯一物易老亦用一物 導赤散

瀉心瀉心湯瀉心

導赤散

生地黃 木通 甘草 竹葉各等分

右以咀水煎去滓服一法去甘草加黃芩為

火府丹煉蜜為丸彈子大細嚼竹葉湯送下
一物瀉心湯

張子秀先生為泄痢湯其法見癰論改誤

伊尹三黃湯錢氏改為丸治吐血黃疸

活人黃連解毒湯四味無大黃亦得與四物

湯相合為各半湯 守真為既濟解毒丸

活人解毒四味 海藏加防風連翹為五黃

丸亦合防風金花丸治風熱 加苾胡治小

兒潮熱 加葛根治酒毒 加蘆薈青黛為

衣治小兒肝熱並痞熱食塗上擲面黃腹大

而足細久則不治

仲景茵陳蒿大黃湯

治濕熱發黃

茵陳蒿^六

大黃^二

梔子^三

梔子槳皮湯二物

治燥熱發黃

文潞公藥準

仲景茵陳蒿大黃湯治發黃大便自利不止者

加黃連黃槳各三兩今加大黃用之多効

梔子槳皮湯加大黃黃連活人合而用之改

名解毒湯仲景本方無黃芩奉議方復有黃

芩活人用之伊尹湯液大黃黃芩並脫落

之也文潞公連槳二物湯治黃有神寒熱

者加小茈胡湯

李思訓論議

發黃有陰陽然當猶為末也云陽者大渴而不

與水炎熱而不通風是也云陽黃者鮮之原

藥過劑施之而遂寇陽和既言此二句當時

本無陰候但言黃證皆陽壞而成陰不必直

指有陰證故治黃茵陳蒿為君佐以梔子大

黃之屬是也若太陰有黃不必茵陳蒿內用
乾薑只用理中溫藥足矣既有茵陳蒿乾薑
湯則知熱證壞而成寒也學者要窮其源故
大病主藥內加熱以溫之也謂如桂枝加芍
藥桂枝加大黃皆於本藥外所可宜者加之
也 大黃黃連瀉心湯 文潞公金匱要略
爲三黃丸錢氏改爲三黃湯去黃芩爲二聖
丸二味等分細末豬膽湯煮熟如菜豆大每
服一十九丸米飲下 香連丸治泄利
橘連丸疳瘦膽煮粟米粥爲丸 雜病發黃

痺虛也黃久不去者有積也補脾磨積則可
不可用涼瀉之藥

活人酒煮黃連丸

治暑毒伏深久不差無藥可治大渴者宜此
右黃連四兩無灰酒浸上一寸以重湯熬乾
碾爲細末糊丸菜豆大熱水下三十九丸胸中
清涼不渴爲愈 肘後治黃疸醫所不能治
水瓜汁頓服一小升平旦服食後須臾小便
出愈不愈再服

紅丸子

治大人脾積氣滯胸膈滿悶面黃腹脹四肢無力酒積不食乾嘔不止脾連心胸及兩乳痛婦人脾血積氣諸般血癥氣塊及小兒食積骨瘦面黃肚脹氣急不嗜飲食漸成脾勞不拘老小並宜服之

京三稜 三斤水浸令軟切片子 蓬莪朮 五斤 陳皮 五斤

胡椒 三斤 青皮 五斤 乾薑 三斤 炮

右六味同無細末醋糊為丸桐子大礬紅為衣每服二十九丸食後薑湯送下小兒臨時加減服之

易簡紅丸子 脩合治例之法並見前方

蓬莪朮 京三稜 陳皮 青皮

胡椒 乾薑 阿魏 礬紅

右每服六十九丸薑湯送下大治大人小兒脾胃等患用極有神効但三稜莪朮本能破癥消癖其性猛烈人不以此為常服之劑然今之所用者以出產之處隔絕二藥不得其真乃以紅蒲根之類代之性雖相近而功力不同年老虛人小兒姪婦以其治病不能傷耗真氣但服之無疑此藥須是修合令精

細用好米醋煮陳米粉為丸若自修合之時
 當去阿魏礬紅名小橘皮煎尋常飲食所傷
 中脘痞滿服之應手而愈大病之後穀食
 難化及治中脘停酸並用薑湯下脾寒瘧
 疾生薑橘皮湯下酒疸穀疸遍身皆黃大
 麥湯下兩脇引乳作痛沈香湯下脾食
 積面黃腹脹時或乾嘔煨薑湯下婦人脾
 血痛及血癥氣痕並經血不調或過而不來
 者並用醋湯下寒熱往來者尤宜服之
 產後狀如癲癘者此乃敗血上攻迷亂心神

所致當以此藥用熱醋湯下其効尤速男
 子婦人有癲癘之疾者未必皆由心經蓄熱
 亦因脾氣不舒遂致痰飲上迷心竅故成斯
 疾若服涼藥過多則昏亂益甚當以此藥辰
 砂為衣以橘皮煎湯下名小鎮心丸婦人
 惡阻嘔逆全不納食諸藥不効惟此最妙仍
 佐以二陳湯服之疑其墮胎必不信服每每
 易名用之特有奇功然恐姪婦服此之後偶
 爾傷動歸咎於此藥故不敢極言其妙矣
 痰迷者紅丸子心熱者妙香丸小使不

利煩燥喘渴加茯苓豬苓滑石當歸官桂

煩燥喘嘔不渴加陳皮白朮半夏生薑茯苓

四肢遍身冷加附子甘草

茵陳蒿治肢體逆冷腰上自汗加

附子 乾薑 甘草

身冷汗不止加附子 乾薑

茵陳附子湯未已其脉不出加吳茱萸

附子 乾薑 木通 當歸

韓氏立名雖曰茵陳茯苓湯茵陳橘皮湯小茵

陳湯茵陳四逆湯茵陳附子湯茵陳茱萸湯

大抵只是仲景治陰證加茵陳也用者要當

識之此證言是溫熱與寒濕故入陽明例謂

關天五之氣

丹砂丸 勞復後目中及遍身黃

丹砂 馬牙硝 麥門冬 犀角

牛黃 金箔

右治下後不任承氣湯宜丹砂丸膩粉一錢

下之用砂糖輕粉新汲水調下煩燥病源云

陰少陽勝也陰病亦有煩燥病 少陰病吐

利煩燥四逆者死 結胸證有煩燥者死

大青龍證亦有煩燥而燥 金匱竹皮大丸

主虛煩佳 又茯苓散豬苓湯並主煩燥

少陰病吐利手足逆冷煩燥茯苓四逆湯

發汗吐下後復煩燥不解者茯苓四逆湯

少陰病吐利手足逆冷煩燥欲死者吳茱萸

湯 又八正散治煩燥佳

仲景梔子豈豉湯

治懊憹煩燥不得眠

梔子 四箇 豉 半兩

右水二盞煎梔子至一盞入豉煎至七分溫服得快止後服 一法加甘草三錢半本非

吐藥以燥濕鬱甚以此攻之不能開通則反

吐因吐則發油鬱結之氣及行津液而血氣

欲宜行若少氣加甘草以其邪在上焦而不受

藥故吐之 梔子甘草豈豉湯 嘔者加生

薑三錢

梔子厚朴湯

治傷寒下後心腹脹滿起臥不安

部人梔子 兩 厚朴 兩 枳實 枚 生薑片 三 水煎服

梔子乾薑湯

治陰黃傷寒醫以丸藥下之身熱不去微煩

梔子

四枚

乾薑

半兩

右水煎服

已上五法皆汗下吐後用之以邪氣陷於胸中居最高之地故隨證加減用之經曰其高者因而越之

活人薤白湯

治下利如爛汁

薤子

豉

薤白

右剉先煮薤子次下薤白次豉水三升煮取

一升溫服

涼膈散 此藥陽明兼少陽氣中之血藥

梔子

大黃

芒硝

黃芩

薄荷

各半兩

桔梗

甘草

各一兩

連翹

七錢半

右吹咀每服五錢匕水煎臨臥時服加生薑

煎亦可若泄之劑下行居膈中鐵渡江非舟

楫不能載此藥大槩治左寸沈實而可下者

本方無桔梗一法加防風 治肺金邪熱嗽

有痰者加半夏 易老減大黃硝解傷寒雜

病六經中熱涼膈與四物湯各半服能益血

泄熱一名雙和散

文潞公藥準註李琬方

山梔子

防風

連翹

茈胡

甘草

活人梔子連翹防風甘草湯兼少陽 錢氏去

連翹加藿香石膏為瀉黃散。內經云諸氣憤鬱皆屬肺金。凡人有此疾不可不用薄荷。故劉禹錫用此藥以治憤氣發腫利關節也。易老涼膈散去大黃硝治六經中熱說得極有理。何以知陳士良云芫胡能引諸藥入榮衛療陰陽毒傷寒頭痛四季宜服。又云芫胡主風氣壅併攻胸膈當茶食之。以此知易老之言有自來矣。

薄荷例 此藥手太陰兼厥陰故陽明例薄荷煎主療并見局方今用御藥院料例

薄荷葉 半斤 甘草 一兩 防風 三錢

縮砂仁 三錢 桔梗 一兩 芎 七錢半

御藥院蜜料藥一斤蜜三斤煨開便和去砂仁加姜羌活荊芥甘菊大黃白芷人參為八風丹硃砂為衣

局方川芎丸

川芎 七錢半 細辛 半錢 防風 二錢半

薄荷 七錢半 桔梗 一兩 甘草

右細末煉蜜丸一兩半分作五十丸嚼一丸茶清食後服一法川芎丸加枳殼除熱痰

嗽 去桔梗加荊芥白僵蠶天麻羌活白附子川烏頭全蝎名不換金丹硃砂為衣

防風丸

防風 川芎 甘草 天麻 已上各二兩

右為細末蜜丸硃砂為衣荊芥湯茶酒任下每服作十丸

生明丸

薄荷葉 川芎各七錢半 縮砂仁 甘菊花各半兩

右為細末蜜丸每兩分十丸

二白丸 海藏法治虛人 禁涼藥

白檀 白芷 人參 川芎

白茯苓各二錢 防風七錢 藿香一兩 桔梗半兩

細辛 砂仁各三錢 甘草三錢半 薄荷葉一兩

右為細末蜜丸彈子大嚼一丸茶清下

枳殼丸

薄荷煎加蒼朮木賊甘菊枳殼荊芥

薄荷湯 治風壅痰涎精神不爽

薄荷二兩 瓜樓根一錢二分 甘草六錢半

荊芥 縮砂仁各半兩 鹽炒四分

右細末每服一錢點服

清神散

薄荷葉 三兩 石膏 四兩 飛過研 細辛 五錢

荊芥穗 白檀 甘草 各二兩

人參 羌活 防風 各一兩

右細末每二錢點服

上清散

細辛 乾菊 川芎 薄荷

石膏 甘草 防風 羌活

荊芥穗 已上各一兩

右細末茶湯調服

香甲散

川芎 青皮 白檀 乾菊 甘草

右為細末茶調服

消風散 主治脩製並見局方

川芎 羌活 人參 茯苓

藿香 防風 甘草 炙 僵蠶 炒

蟬殼 各半兩 厚朴 製 陳皮 洗炒各一錢三分

荊芥穗 半兩

右為細末茶酒任下治沐浴感風寒小兒用

乳香荊芥湯調下半錢無時服

神芎散

治偏正頭痛夾腦風沐浴傷風等證脫著同

甘草 半兩 薄荷 石膏 羌活

獨活 乾菊 荊芥 川芎 各一兩

右細末茶清下如覺頭風兩角痛客主人是也俗呼為太陽穴

又點鼻法

人中白 地龍 去土各等分

右為細末羊膽丸芥子大用一丸新水化開點鼻中立止

化風散

治痰厥偏正頭痛一切傷風

荊芥 甘草 各三兩 石膏 四兩 薄荷

人參 羌活 細辛 防風

白檀 各一兩

右滾水茶清調下

化風丹

大陽陽明合病

防風 半斤 羌活 白芷 各四兩 麻黃

川烏 炮 甘草 炙各三兩 川芎 藁本 各二兩

桂 去皮浮 乾薑 炮 阜茨 去皮各一兩

右為細末酒浸蒸餅為丸雞頭子大嚼二丸

茶酒任下

三陽頭痛

羌活

防風

荊芥

升麻

葛根

白芷

石膏

苳胡

外風川芎

芍藥

細辛

葱白

若陰證頭痛只用溫中藥足矣如理中薑附

之類

本草註桃花湯赤石脂例當在手陽明條下

仲景桃花湯

治傷寒下利不止便膿血治證全文並見本經

赤石脂

一斤半一全用一半末用

乾薑

一兩

粳米

半合

右以水七升煮米熟為度去滓每服七合內
石脂末方寸七日三服愈後止再服不必盡

劑

烏頭赤石脂丸

主心痛徹背者

烏頭

炮錢一

附子

炮二分

赤石脂

乾薑

蜀椒

各三兩

右為細末煉蜜丸如桐子先服一丸不止稍

增

桃花丸亦治婦人崩中漏下下痢膿血桃花湯

純下血梔子麋皮湯治大冷洞瀉腹滑下

赤白腹痛駐車丸 孫用和治下利又血熱

痛藥皮湯 若尿血可用延胡索散

古方駐車丸

黃連^六 乾薑^二 當歸^二 阿膠

右先以醋煮膠令消入前三藥和均衆手丸

桐子大米飲下三十丸

古方三黃湯後人以爲藥皮湯

黃連^一 黃芩^二 黃檗^三

每服四五錢水一盞半煎至一盞去滓內阿

膠二片煎化服之 痛者加藥子 小便不

利加茯苓兼久血痢甚効

延胡索散 治尿血

延胡索^{一兩} 朴硝^{三分}

右以水煎服之

東垣二紅丸

治小腸下利夜多晝少左手寸脈弦細此從

丙至壬下補丹田四肢厥冷手足心反溫是

爲効也

硃砂^{半兩} 附子 乾薑 赤石脂^{各二錢}

右爲細末酒糊丸桐子大米湯下少時以物

壓之急劑不可緩也

東垣三白丸

乾薑 一兩 白石脂 寒水石 龍骨 煨各半兩

右細末生薑自然汁打糊為丸桐子大米湯下少時以物壓之以上六味藥東垣先生製藥性云白石脂一名白符惡馬目毒公味甘辛澁大腸

東垣調氣方

治赤白痢黃連膠蠟煮散並見本草 宋玉徽桃飴贊云阿膠續氣並見阿膠條下

白石脂

乾薑 各等分

右百沸湯和麪為丸搜和併手丸桐子大晒干米飲下三十九丸久痢不定加至六十九丸霍亂煎漿水為使

赤石脂散

甘草 二錢 赤石脂 半兩 縮砂仁 四兩

右細末米湯點服 脉弦者加防風 脉洪者加黃連 脉濇者加當歸 脉遲者加乾薑無論寒熱久病者亦加乾薑 一法加龍骨肉荳蔻為荳蔻固腸丸

千金翼曰治痰飲吐水無時節者其源以飲冷過度遂令脾胃氣弱食不消化飲食入胃則皆變冷水反吐不停赤石脂散主之

赤石脂一斤

搗篩服方寸匕酒飲任服稍稍加至三錢七服盡一斤終身不吐冷水又不下利補五臟令人肥健有人痰飲服諸藥不効服此即痊小兒臍汗出不止兼亦腫以白石脂細末熬溫撲臍中日三良仲景赤石脂禹餘糧湯此當在手太陽條下

治不應下而下之泄不止醫與理中之類其泄益甚此寒在下焦故以赤石脂禹餘糧湯主之

震靈丹

紫府元君南嶽魏夫人方出道藏一名比金丹此丹不犯金石飛走有性之藥不僭不燥奪造化冲和之功大治男子真元虛憊五勞七傷臍腹冷痛肢體酸疼上盛下虛頭目眩暈心神恍惚血氣衰微及中風癱瘓手足不遂筋骨拘攣腰膝沈重容枯肌瘦目暗耳聾

口苦舌乾飲食無味心腎不足精滑夢遺膀胱疝墜小便淋漓夜多盜汗久瀉久利嘔吐不食八風五痺一切沈寒痼冷服之如神及婦人血氣不足崩漏虛損帶下久冷胎臙無子服之無不愈者

禹餘糧火煨醋淬不計遍次以手撚得碎為度丁頭代赭石如上製

赤石脂 紫石英已上各四兩

已上其四味並作小塊入乾鍋內鹽泥固濟候乾用炭一十斤煨通紅火盡為度入地坑出火毒二宿

好乳香二兩另研細沒藥一兩去沙另研

五靈脂二兩去沙石研硃砂一兩水飛過

右前後八味為細末以糯米粉煮糊為丸如小雞頭大晒乾出光每一粒空心溫酒下冷水亦得常服鎮心神主顏色溫脾腎理膝腰除尸疰蠱毒辟鬼魅邪厲久服輕身漸入仙道忌豬羊血恐減藥力婦人酸湯下孕婦不可服極有神効不可盡述

易簡震靈丹加減例

藥八味同前修合治療之法前方並見

右每服三粒隨病湯使嚥下 婦人崩中下
血調香附末下 帶下赤白炒艾醋湯下
男子遺精白濁米飲湯調茯苓末下 自汗
盜汗黃耆煎湯下 大便溏泄濃米飲下
老人血利白梅茶下 陰證傷寒發熱自利
煎附子湯下 沈寒痼冷溫酒嚥下 腸風
便血調百草霜下 若伏息痢疾烏梅湯下
治療湯大槩如此 若男子應有走失或泄
瀉之後當服者以棗湯下 婦人應是虛損
或失血之後常服當用醋湯就中湯使或是

服餌不便者當斟酌易之 此藥極固秘元
氣無飛走之性服之不致僭燥但是微渴并
肥偉人不宜用此常服恐泄氣血爲癱瘓之
患 若用以治病極有功效不拘此說

桃花丸

赤石脂 二 乾薑 一 或加烏附 炮半

右爲細末稀糊爲丸桐子大每服三五十九
米飲下久痢便紫血者當歸湯下 治丙赤
石脂乾薑附子 治庚白石脂乾薑附子
局方赤石脂縮砂仁茯苓甘草散

活人赤石脂丸

赤石脂 乾薑 當歸 黃連

右蜜丸桐子大米湯下二十丸

五物厚腸丸

赤石脂 乾薑 附子 吳茱萸

肉荳蔻

固腸丸

赤石脂 乾薑 厚朴 肉荳蔻

縮砂仁 木香各半兩 炮製蒸如法

右細末糊丸桐子大生姜米湯空心服

旋覆代赭石例

仲景旋覆代赭石湯 壞證

右傷寒吐下後發汗虛煩脉甚微八九日心
下痞鞭脇下痛氣衝咽喉眩冒經脉動惕者
久而成痿或傷寒發汗或吐或下解後心下
痞鞭噫氣不除者

旋覆花三字 人參半錢 半夏半錢 生薑一字

代赭石一字 甘草三字 大棗一枚
凡言一字者乃二分半也正初補正

右呔咀每服五錢七水一盞半煎八分溫服

旋覆花湯

治風熱面生赤痲鼻頭赤面紫黑者當刺出

血

人參 生薑 甘草 茯苓

旋覆花 去枝葉 黃芩 芍藥

芫胡 枳實 熬炒已上各一錢

右麤末以水四盞慢火煎至二盞半去滓分

三服溫飲又葛根升麻湯加黃芩枳殼

仲景治婦人有三物旋覆花湯 胡洽治痰飲

在兩脇間脹滿等證旋覆花丸

酒釀 日華子云山茱萸暖腰膝助水臟除一

切風逐一切氣破瘕治酒釀 汗出見濕乃

生瘰癧 瘰為瘡癰也 勞汗當風薄為皴

鬱乃瘰瘰色赤膜內有膿血

旋覆花丸

旋覆花 三兩 防風 白芷 乾葛

天麻 天南星 炒 半夏 薑製 石膏

川芎 陳皮 已上各半兩 白附子 半兩 蝎稍 炒

僵蠶 炒各三錢

右細末薑糊丸桐子大薑湯下食後三五

丸

活人金沸草散

治傷寒中脘有痰令人壯熱頭痛筋急時發寒熱皆類傷寒

旋覆花即金沸草 荊芥 前胡各一兩 甘草

赤茯苓 細辛 半夏製各三錢

右細末每服三錢水一盞生薑十片棗一枚同煎七分熱服

局方金沸草散

治風化痰頭項強寒熱身體疼咳嗽滿喘及時行疫氣壯熱惡風

旋覆花去梗 荊芥穗 前胡 麻黃去節各一兩

炙甘草 赤芍藥 半夏製各三錢

右咬咀薑棗煎無時服寒邪則汗出風邪則

解利

千金翼旋覆花湯

治胸喉中痰結如膠臍下膀胱留飲

旋覆花 細辛 前胡 甘草炙

茯苓 半夏各一兩半 生薑八兩 桂心四兩

烏頭一枚去皮臍

右九味切以水九升煮取三升分為三服忌

豬羊等肉及生菜加澤瀉尤妙公更忌飴飴

外臺旋覆花丸

治心頭痰積宿水嘔逆不下食

人參 甘草 白朮 枳實 各半 半夏 製

澤瀉 大黃 旋覆花 各三錢

右細末生薑糊為丸桐子大生薑湯下無時

范江旋覆花白朮茯苓湯

旋覆花 白朮 陳皮 茯苓 各一兩

桂 去皮 當歸 細辛根 附子 炮

半夏 製各半兩

治胸中痰結臍下弦滿又治風水證

右九味剉每兩分三四服水二盞生薑十片

碎煎至七分去滓食後臨臥服忌豬羊肉食

飴飴生菜滋味等物

仲景茯苓飲

治胸中停飲心下宿水吐水氣滿不飲食

茯苓 白朮 各一兩 人參 七錢 枳實 七錢

陳皮 五錢

右剉每料分四服每服水二盞生薑一錢同

煎至七分取清飲無時服

千金翼大五飲丸 胡洽方同

三一留飲心下二澀飲脇下三痰飲胃中四
溢飲膈上五留飲腸間凡此五飲酒後傷寒
飲冷渴多故有此疾

遠志 心去 苦參 藜蘆 白朮

烏魚骨 甘遂 大黃 石膏

桔梗 五味子 半夏 泡 紫苑

前胡 芒硝 括蕪 桂心

茯苓 貝母 芫花 人參

當歸 茯苓 芍藥 大戟

葶藶 黃芩 已上各一兩 常山 甘草

薯蕷 厚朴 細辛 各三分 巴豆 三十粒去皮心熬

右三十二味細末蜜丸桐子大酒下三九日
三稍加之忌肉生物飴飴冷水等物

海藏五飲湯

人參 陳皮 枳實 旋覆花

白朮 茯苓 厚朴 澤瀉

前胡 桂心 芍藥 甘草

豬苓 半夏 已上各等分

右呔咀每料分四服水二盞薑十片碎煎至

七分去滓無時溫服所忌同上及滋味等物
海藏云五飲雖胸膈心下脇間膀胱胃中大小
腸臟腑不同俱在身以前故入陽明例
五飲湯若因飲酒有飲者加葛花縮砂仁

醫壘元戎卷第三終

